

**Критерии оценивания контрольных измерительных материалов
(билетов) для проведения в 2022 году основного государственного экзамена
по МАРИЙСКОМУ (ЛУГОВОМУ) ЯЗЫКУ**

Марий йылме дене кутырымо (устный) вашмутым аклымаш

Тунемше-влакын марий йылме дене шинчымашыштым тергыме тўн йўнлан йодыштмаш шотлалтеш. Темлыме йодышлан тунемше кўрылтде каласкалышаш, ик ужашым весе дене чын ушышаш, определенийым, правилым кўлеш годым кучылт моштымыжым ончыктышаш.

Тудын вашмутшым аклыме годым теве мом шотыш налаш кўлеш: 1) вашмут чын да тичмаш мо; 2) тунемме материалым йоча кузе умылен; 3) вашмутым пуымо йылмыже могай.

«5» отметке шыңдалтеш: 1) икшыве тунемме материалым тичмашын каласкала, йылмын ойыртемлаж нерген умылымашлан чын определенийым пуа; 2) материалым умылымыжым ончыкта, шке ойжым пример дене умылтарен кертеш, шинчымашыжым кучылт мошта, кўлеш примерым учебник гыч веле ок нал, шкегыч пален налмыжымат каласа; 3) материалым чын радам дене каласкала, литератур йылмын нормыж дене келшышын ойла.

«4» отметке шыңдалтеш: тунемше «5» отметкылык вашмутым пуа, но 1-2 йонылышым ышта да шкежак тўрлата, материалым каласкалыме радам да йылме шотышто 1-2 экшыкым ышта.

«3» отметке шыңдалтеш: тунемше тиде темын тўн содержанияйжым пала да умыла, но 1) материалым тичмашын ок каласкале, определенийым але правилым ойлымыж годым экшыкым ышта; 2) шке шонымыжым келгын да ўшандарен почын ок мошто, примерым шкегыч каласен ок керт; 3) материалым радам дене ок ойло, йылме шотыштат йонылышым ыштылеш.

«2» отметке шыңдалтеш: йоча тунемме материалын шукурак ужашыжым ок пале, определений ден правилым йонылыш каласкала, материалым радам деч посна да ўшаныде ойла.

«1» отметке шыңдалтеш: тунемше материалым йўршеш ок пале да ок умыло.